



17. november 2021

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

1. **Aalisagartassanut qaffaanerit qassit Naalakkersuisut akuerisimavaat april 2021 qinersereernerup kingorna?**
 - a. **Qaffaanernit taakkuningga biologit innersuussutaanniit qaffasinnerusimappat?**
2. **Naalakkersuisut isumaqarpat, piujuartitsilluni aalisarnerusoq, ilisimasallit innersuussutaat malinngikkaanni?**
3. **Piniarnerup iluani pisassiissutinik qaffaanerit qassit Naalakkersuisut akuerisimavaat april 2021 qinersereernerup kingorna?**
 - a. **Qaffaanernit taakkuningga qassit biologit innersuussutaannit qaffasinnerusimappat?**
4. **Naalakkersuisut isumaqarpat, piujuartitsilluni piniarnerusoq, ilisimasallit innersuussutaat malinngikkaanni?**
5. **Naalakkersuisut suliamut allanik soqutinaatilinnik paasissutissiinnaappat?**

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Naalakkersuisooqatigiinnermi isumaqatigiisummi quppernermi siullermi, allassimavoq sutigut tamatigut piujuaannartitsineq tunngavigalugu suliat ingerlanneqartassasut. Immikkoortumi Aalisarnermut Piniarnermullu tunngassuteqartumi oqaaseqaatigiit uku atuarneqarsinnaapput:

”Piujuartitsilluni aalisarnerup siunissami aalisarneq qulakkiissavaa, kinguaassagut tulliuttut aamma isumalluutitsinnik iluatinnartunik aalisarsinnaaniassammata”.

Tamanna ataqatigiippallaangilaq maannamut aaliangertakkanut, tamannalu apeqqutinnut tunngaviuvoq.

Apeqqutima ullut suliffiusut qulit qaangiutsinnagit akineqarnissaat kissaatigaara.